



UNIVERSITÄTS-
BIBLIOTHEK
PADERBORN

Summæ Theologicæ Scholasticæ Et Moralis

In Quatuor Partes Distributæ

In qua de Incarnatione Verbi & Mysteriis vitæ Christi, nec non de
Sacramentis in genere & singulis in specie succinctè & dilucidè tractatur

Herincx, Wilhelm

Antverpiae, 1675

§. I. De Baptismo & Iejunio Christi.

[urn:nbn:de:hbz:466:1-72963](#)

78 Disp. IV. De præcipuis Mysteriis vita Christi.

masculos respiceret. Fiebat autem id, quantum licuit, comitante parvulo, quem proinde factum annorum duodecim, cùm in redditu parentes existimarent mōre solito esse in comitatu, & non invenientes, reversi sunt in Ierusalem, ubi illum post triduum, id est, tertio die invenerunt in certa parte templi ad docendum legem & disputandum deputatā sedentem in medio Doctorum, audentem illos docentes, & interrogantem, seu excitantem ex auditis quæstiones five propositiones, ut omnes stuparentur rapti super prudentia in proponendis dubiis, & super responsis similiter illius ad ea quæ ab ipso interrogabantur. Post hæc descendit cum parentibus in Nazareth, & erat facto subditus illis, perferens pariter labores, quibus quotidianum sibi viatum queritabant; proficiensque jugiter ætate, & effectis a signis sapientiae & gratiae. Sicque complexa manet cum Evangelistis Christi infantia, pueritia & ætas reliqua, usque ad baptismum.

Q U A E S T I O III.

De Baptismo & reliquâ vita Christi usque ad passionem.

S. I.

De Baptismo & Iejunio Christi.

53.
Baptismus
Ioannis
quando co-
perit.

Fuit à Deo
inspiratus.

A Ioanne
institutus.

Et collatus.
An vel quâ
formâ, in-
certum.

Non contulit
gratiam.

ANNO quinto decimo imperii Tiberii Cæsarialis filii adoptivi Octaviani Augusti, cœpit Præcursor Christi prædicare & dare baptismum peccantibus præambulum & dispositivum ad baptismum Christi. Quem inter ceteros etiam ipse Christus suscepit, eodem anno, idquædum erat incipiens quasi annorum triginta, ut refertur Luca 3.

Ubi in primis certum est baptismum Joannis fuisse inspirativè à Deo, quatenus illum in genere inspiravit, & inspirando mandavit iuxta illud ipsius Præcursoris Ioan. 1. Qui misit me baptizare, ille mihi dixit. Ipse autem Joannes Baptista ritum baptizandi instituit, à quo proinde baptismus Joannis dictus fuit, ut tradit Bellarminus l. 1. de Baptismo cap. 20. sicut baptismus novæ legis à quovis conseratur, baptismus Christi dicitur; non Petri, Pauli &c. ne alias quam Christus videatur auctor, ut notavit Aug. l. 5. de Baptismo c. 13. & alibi. Fuit præterea idem baptismus à Joanne collatus: an etiam à Discipulis, non constat, quod ita. An insuper fuerit datus cum certa forma, incertum est, & variant Doctores. Constat saltem satis non fuisse datum in forma baptismi Christi. Præterea certum est ipsum non contulisse gratiam ex opere operato, eiisque, qui illum suscepserant, fuisse adhuc

necessarium baptismum Christi, postquam lex Christiana cœpisset obligare; ut cœpit post passionem Christi & missionem Spiritus sancti. Unde baptizati Joannis baptismatem adhuc iussi fuerunt baptizari ab Apostolis baptismō Christi.

An denique Joannes fuerit vicissim baptizatus à Christo baptismō ipsius Christi; in certum est. Nam quod sic, censet verissimum Amicus, ex verbis ipsius Præcursoris Matth. 3. Ego à te debet baptizari, & responsione Christi: Sine modo: sic enim deces nos implere omnem iustitiam. q.d. Exequere nunc quod dico, ego postea faciam quod petis. Sed Joannes ibi non petiū baptismum fluminis, neque Christus per consequens illum promittit. Solum enim significat Joannes, quod potius indigeret ablui à Christo, non baptismō aquæ, quem necdum ratio temporis postulabat, sed Spiritus sancti & ignis, quem supra prædixerat, idque quia illo debuerat ab originali & à quotidianis purgari. Quare nec Patres expresserunt aliter quām in Spiritu, ut Hieronymus, vel in cruce & baptismō fluminis, ut Nazianzenus fuisse baptizatum. Ideoque verosimilius esse putat Abilenus q. 78 in c. 3. Matth. Joannem non fuisse à Christo baptizatum.

Ratio porrò ob quam Christus Dominus suscepit baptismus Joannis assignari solet, tum ut suo baptismō sanctificaret aquas, eisque vim regenerandi daret, eas destinando ad baptismum à se instituendum, tum ut baptismum Joannis comprobaret, tum ut humilitati exemplum præberet, tum ut peccati in se incapax, peccata totius naturæ in se & per se ablienda significaret, tum ut medicus ægris assimilatus, ægrotis eò esset gravior, quod familiarior; tum ut homines ad Baptismum suum invitaret, tum ut estimonium cælestis ei redderetur, tum denique ut per descensum columbæ significaret gratiam Spiritus sancti annexandam baptismo Fidelium. Quare decentiam suscipiendo à se baptismatis ipse declarat Matth. 3. Sine modo: sic enim deces nos adimplere omnem iustitiam.

Gravis autem & interminabilis est controversia inter Doctores de præcisa Christi ætate in susceptione baptismi. Nam Varii putant Christum fuisse baptizatum anno trigesimo i.echoato. Quibus præter variis Patres favere videtur, quod Lucas c. 3. ait: Et ipse Iesus erat incipiens quasi annorum triginta. Alii putant id factum anno trigesimo tunc expleto. Alii denique novissime censent esse baptizatum anno trigesimo primo expleto, & trigesimo secundo per tredecim dies inchoato. Hi vero sic exponunt verba Lucæ, ut solum voluerit significare, quod Christus esset trigesita annorum circiter seu plus minus; præfertim quia in ætatibus seu annis exprimendis rotundi numeri in Scriptura semper assignantur. Quod autem Evangelista dicit incipiens intelligunt hi, quod non afficiat annos

Qu. III. De Bapt. & reliquâ vita Christi usq; ad pass. s. I. II. 79

anno triginta. Sed exercitium efficax sui & prædicationis, quod scilicet hoc erat incipiens, cum esset quasi triginta annorum. Prout simili modo & sensu resert idem Lucas Act. 1. dictum à Petro Apostolo: *Incipiens Jesus à Baptismate Ioannis &c.* Hæc porrò opinionum diversitas oritur ex diversitate & incertitudine opinionum de anno Natalis Domini; quæ similiiter interminatae manent.

57. Christo baptizato qualiter & perit sunt cali, Patre apparente in voce Spiritus sancto in corpore similicolumba.

Qualiter ibi non fuerit filius.

Christo jam baptizato, ascendentique de aqua mox juxta Matthæum c. 3. aperti sunt cœli, subintellige sensibiliter, idque verosimiliter per hoc quod in supremo aere per congruentem partim rarefactionem, partim condensationem & illuminationem laterum, profundi hiatus similitudo apparuerit, ut è cœlo omnia proficiunt viderentur, vox scilicet Patris etiam sensibilis, humanæ & articulate similis, & columba seu potius corpus habens speciem columbae, in qua representabatur persona Spiritus sancti. Neque propterea fuit aliqua fictio: dum enim aliqua species divinitus formatur, & ad veritatem aliquam significandam resertur, nulla deceptio est, sed veritatis significatio; et si contingat per accidens aliquos falli. Species itaque columbae non designabat veram columbam, nec etiam quod Spiritus sanctus esset vera columba, sed sub hoc sensibili involucro ob quasdam convenientias seu symbolizationes. Spiritus sanctus apparuit, ut monstraret Christum esse filium Dei & Spiritu sancto plenum.

An vero hæc signa etiam sint ab astantibus percepta, Scriptura quidem suprà non expressit; tamen neque negat. Et omnino videtur, quod sint percepta, attentâ tum signorum sensibilitate, tum eorumdem fine, qui era, ut manifestaretur conditio & qualitas Christi, non solum Joanni Baptista (qui ipse Ioan. 1. sibi dictum resert: *Super quem videris Spiritum descendenter* &c. hic est qui baptizat in Spiritu sancto) sed etiam populo Judaico.

58. Christus creditur baptizatus esse Epiphaniæ.

Quæsi etiam posset, quo die anni Christus sit baptizatus? Sed communis responsio est fundata in Patribus & traditione Ecclesiastica, officioque divino, baptizatum esse ipso die Epiphaniae. Unde cum mox à baptismi successerit in desertum, ibi jejunaturus, Franciscus c. 3. Regule commendat & citra strictum præceptum præscribit Fratribus suis sanctam quadragesimam ab Epiphania Domini usque ad continuos quadraginta dies, quam Dominus suo sancto jejunio consecravit. Solum posset obstat frigus temporis importunum pro baptismio, qui à Joanne dabatur immersione corporis in aquam. Verum potius tempus id ad exemplum poenitentiae erat maximè opportunum baptismo, sicut & Nativitatib; Jesu, qui propter nos in frigore & nuditate nasci dignatus est. Quamvis alioquin in

locis palestinæ non sit frigus de die adeò exorbitans.

Circa jejunium Christi id solum notandum est, suisse continuatum sine cibo per integrum quadraginta dies; indeque sumpto ^{59.} *Quale fuit rurum jejunium Christi, & subsequens tentatio.* exemplo Eccleiam præscribere jejunium quadragesimale ante Pascha nostra infirmati accommodatum, præsertim supposita moderatione hodiernâ, non solius prandii, sed etiam cenulæ vestiginæ, apud aliquos sat largæ. Expletis autem quadraginta diebus dumum coepit esurire, dicente Scripturâ, *Postea esurit;* divinitate nempe humanam naturam, alioquin fami obnoxiam sustentante, actionesque interiores ac contrarias sic temperante, ut famæ non oriretur. Similiter tentatio dæmonis, apparentis & colloquentis sensibiliter, contigit post jejunium quadragesimale, infidiliatore ansam quoque sumente ex ipsa Christi esurie experiendi, an verè Filius Dei esset. Astus tamen dæmonis Salvator prudentissimis responsis elusus, relinquens illum sine ulteriori instructione mysterii. Qualiter verò tentatio Christi, ut primorum parentum, tota foris, non intus fuerit, peti potest ex dictis P. I. Tr. 3. d. 6. q. 12. n. 100.

s. II.

De Prædicatione Christi.

60. Lejuniu sacerdotis predicationis.

P OST jejunium & victoriam dæmonis processit Christus in istar veri athletæ ad prædicationis exercitium, discipulorum aggregationem, miraculorum patrationem, quæ velut sigilla Patris cœlestis authenticè monstrabant, quia verè à Patre missus esset in mundum velut Salvator ejusdem, ac tamquam in dictis suis verax signatus ab eodem Patre, qui est prima Veritas.

Circa prædicationem Christi observanda est, tum doctrina in prædicatione tradita, tum tradendi modus, & tempus. Quoad primum manifestum est ex Evangelio doctrinam suisse excellentem & purissimam, ad reformationem interioris hominis & cœlestia collimantem. Quoad secundum, constat suisse modum prædicandi in Christo singularem, tum quatenus doctrinam priuimis & maximis miraculis confirmabat, tum quia singularissimâ vi & efficacîa persuadendi loquebatur, tum quia singulari auctoritati doctrinam suam proponebat, tum denique quia quod docebat verbo, firmitat exemplo. Unde Matth. 7. dicitur: *Eras docens, sicut potestatem habens, & non sicut Scribe et eorum & Pharisei.* Et Ioan. 7. *Numquid sic locutus est homo, sicut hic homo.*

61. Ad quem omniam speciat quid publicè semper docuit.

Ad modum etiam tradendi pertinet, quod Ioan. 18. Christus dixit: *Ego palam locurus sum mundo: Ego semper docui in Synagoga (ubi scilicet templum non esset) & in templo (sicilicet Jerusalemis) quo omnes Iudei conveniunt, & in occulo*